




05379

李忠簡公文溪集卷之十八

宋 門人李春叟輯訂

十四世裔孫際明重編



詩餘

蘭陵王

燕穿幕春在深深院落單衣試龍洙旋薰又怕東風  
曉寒薄別來情緒惡瘦得腰圍柳弱清明近正似海  
棠怯雨芳踪任飄泊

釵留去年約恨易老嬌鶯多誤靈鵲碧雲杳渺天涯

文溪集

卷十八

詩餘

各望不斷芳草更迷香絮回文強寫字屢錯淚欲注  
還閣

孤酌任春脚便彩局誰忤寶軫慵學堦除拾取飛花  
嚼是少春恨等閑吞却闌干猛拍歎命薄悔舊諾  
摸魚兒

曉風癡繡簾低舞霏霏香碎紅雨燕忙鶯懶春無賴  
懶爲好花遮護渾不顧費多少工夫做得芳菲聚休  
顰百五却自恨新年游疎醉少光景恁虛度 猊盜  
瘦困起庭陰正午游絲飛絮無據千林濕翠須臾遍



難綠鬢根霜縷愁絕處怎忍聽聲聲杜宇深深樹東  
君寄語道去也還來後期長在紫陌歲相遇

摸魚兒

用古買陂塘旋栽陽柳韻

敞茅堂茂林環翠苔磯低蘸烟浦青簑混入漁家杜  
斜日斷橋船聚真樂處坐芳草瓦樽滿酒頻頻注臯  
禽自舞慣松逕穿雲梅村踏雪朗笑自來去 車乘  
墜爭似修筇穩步前塵回首俱誤安閑得在中年好  
抱甕尚堪蔬圃高眼覷算不識人間寵辱除巢許風  
篁解語應共笑羣徂無端喜怒三四計朝暮

文溪集

卷十八

詩餘

二

摸魚兒

五羊郡圃築壯猷堂落戶

遶西園粉籠千雉鏡池屏石天造主人意匠工收拾  
華屋落成聞早輪奐巧望縹緲五雲深處移蓬島油  
幢羽葆指貔虎長驅鯨鯢網取電走捷旗報 鏡吹  
發回廡連屯飲犒海山波靜煙掃綸巾蕭散環珠履  
春滿綠楊芳草人境好是握德五翁福地無塵到芝  
書在道便整頓乾坤經營萬宇棟國要元老

摸魚兒

送王子文知太平州

怪朝來片紅初瘦半分春事風雨丹山碧水含離恨  
有脚陽春難駐芳草渡似叫住東君滿樹黃鸝語無  
端杜宇報采石磯頭驚濤屋大寒色要春護陽關  
唱盡鷓鴣徘徊東渚相逢知又何處摩挲老劍雄心在  
對酒細評今古君去此幾萬里東南隻手擎天柱長  
生壽母更穩步安輿三槐堂上好看綵衣舞

賀新郎

文溪集

卷十八

詩餘

三

陪廣帥方右史登越臺

繡谷流明幟穩飛輿茵柔草碧蓋欹松翠遶首意行  
窮絕頂綵榭千年勝地遠峰斷莽蒼烟水護日晴雲  
收午暑颯長風振葉生秋思籠霧炷影霞袂清明  
官府歌棠芾且蕭閑事外下看玉城珠市山色驕人  
逢此客塵尾霏霏露碎一笑五竿銜新穗田野歡聲  
和氣合喚觥船猛爲魚占喜誰會得醉翁意

賀新郎

餞廣帥馬方山赴召



世美官高大又誰知幾多卿相身榮名壞我輩相逢  
無愧色彼此蒼顏健在又容易分携越海寫出陽關  
離別恨看一行雁字斜飛界天下寶願自愛 白衣  
蒼狗須臾改久冥心雞蟲得失鷄鵬遲快君帶貂蟬  
頭上立老我荷衣草帶肯此膝向人雅拜遠餞元非  
趨炎者二十年相與形骸外義金石更堅耐

賀新郎

同年顧君景冲

雲翼

經屬官舍白蓮盛開招

飲水亭

文溪集

卷十八

詩餘

四

誰種藍田玉碧雲深亭亭月上水明溪曲羞作時妝  
兒女態冷淡水餐露沐出塵外風標幽獨除了留侯  
無此貌便何郎傅粉終麤俗意凝遠韻清淑 涼臺  
向晚微風馥許銀杯羽化折取戲浮醪醪安得梅花  
如許大天遣辟除暑溽渾不覺驚翹鷗浴可恨妖妃  
汙太液只東林社友追遊熟宜夜看爍瑤燭

賀新郎

賦菊

細與黃花說是天教開遇重陽玉裁金屑老行要尋

於竹伴雅愛山翁鬢雪任滿插追陪節物惟有淵明  
吾臭味傍東籬盤薄芳叢楨便無酒也清絕 苾寒  
色正孤標潔慣平生餐霜飲露倚風迎月不比芙蓉  
偏嫵媚不比茱萸太烈似隱者瀟閑巖穴至老枝頭  
猶健在笑紛紛紅紫塵沙汨香耐久看晚節

賀新郎

餞廣東吳憲燧

時持節憲江西

元日除書濕到而今西風老矣駕輶初入自是龍顏  
深注想孤鳳翔而後集久父老攀留原隰庾嶺經行  
文溪集 卷十八 詩餘 五  
梅亦喜小奚奴背底惟詩笈冰雪操又誰及 昨來  
容易風雲翕便三台兩地也只等閑如拾天馬不鳴  
凡馬暗百步何如五十况洶洶波濤方急此去一言  
回天力着着高百尺竿頭立澆磊硯快鯨吸

賀新郎

再用韻餞吳憲

過雨璇空濕浩秋香光浮桂菊曉風吹入柳繫牙樁  
應小駐草草還成勝集又追趁牡車原隰照座玉人  
風骨聳想曾蟠藻闕琳琅笈真作者世難及 遠山



雲霧工開翕共朱闌徙倚總好錦囊收拾老我祗今  
才思溢知二爭如知十憂金縷檀敲休急訪古夷猶  
行短境憶朝陽鳴鳳臺端立筆也醉硯池吸

賀新郎

丙辰自壽游景泰小隱作

天地中間大縱遨遊登山臨水散人一箇學易已來  
秋又六肯趁名韉利鎖得日日安閑笑過金馬玉堂  
也會到儘不妨拍手溪頭坐風蕩笠月蘭舸今朝  
記是初生我近小春黃菊猶葩早梅將朶拔宅危巖  
窮勝踐指點塵寰蟻磨看澗底飛泉珠顆松栢蒼蒼  
俱壽相更千年雪鶴鳴相和安期老舉盃賀

水龍吟

癸丑江西持憲自壽

唱恭初意如何竭來五十三年矣犁鋤頗熟詩書麤  
解簪紳聊耳自信柴愚真成汲戇却無劉臆向高秋  
初度同時有菊淡相對風霜裏最癖登山臨水又  
何心蝸名蠅利俗緣未了強教肉食何曾知味無事  
微吟會心微笑逢場微醉把日生只恁安排領取百

十二歲

水龍吟

和吳憲韻且堅鬱孤同游之約

驛飛穩駕高秋迎人滿目清新景秋還有色芙蓉照  
水晨妝對鏡雪捲寒蘆字橫過雁渡浮孤艇是騷人  
行處腔風調月香滿袖過梅嶺斷岸烟收人靜雨  
聲乾桐疎楓冷掀髯獨笑仙翁起舞臥龍呼醒近小  
陽春爲梅也合遲遲鞭影更鬱孤一笑追歡料得坡  
翁肯肯

文溪集

卷十八

詩餘

七

水龍吟

觀競渡

碧潭新漲浮花柳陰稠綠波浪膩一聲雷鼓半空雪  
浪雙龍驚起氣壓鯨鯢怒掀鱗鬣擘開烟水算戰爭  
蠻觸雌雄漢楚總皆一場如此點額許教借一得  
頭籌歡呼震地翻唾浮世耍津攬進奔波逐利鬪了  
還休倩渠銜寄三間角黍會風雲快出爲霖可但領  
明珠睡

李忠簡公文溪集卷之十八



李忠簡公文溪集卷之十九

宋 門人李春叟輯訂

十四世裔孫際明重編

詩餘

水調歌頭

題舫齋

郭外足幽勝，潮人漲溪流。舫齋小小，一葉老子日遊。  
遊管領白蘋紅蓼，披戴綠蓑青蒻。直釣任沉浮。玉縷  
飽鱸膾，雪陣狎沙鷗。箇中眠，箇中坐，箇中謳。箇中

文溪集

卷十九

詩餘

一

收拾詩料，觴客箇中留。休羨乘槎博望，且聽洞簫赤  
壁樂處。是瀛洲。日月盪雙槳，天地一虛舟。

水調歌頭

題斗南樓和劉朔齋韻

萬頃黃灣口，千仞白雲頭。一亭收拾，便覺蜚海豁清  
秋。潮候朝昏來去，山色雨晴濃淡。天末送雙眸。絕域  
遠烟外，高浪舞連艘。風景別勝，滕閣壓黃樓。胡床  
老子，醉揮珠玉，落南州。穩駕大鵬，入極北，起仙牟。五  
石飛珮，過丹丘。一笑人間，世機動，早驚鷗。

水調歌頭

壽叅政徐意一

地位到公輔者艾過稀年幾人兼此二美而况是名  
賢松柏蒼然長健薑桂老來愈辣勁氣九秋天鯁鯁  
嬰鱗語不改鐵心堅 說武夷同此月瑞三仙公雖  
居後瓌奇偉特却光前續得紫陽脉絡了却西山事  
業舟楫濟商川飲對黃花榭一酌歲三年

水調歌頭

題登春臺

文溪集

卷十九

詩餘

二

野趣在城市巒起此臺高誰侈蓬島馮夷夜半策靈  
鰲十萬人家甃碧四面峯巒湧翠遠峙拍銀濤插漢  
筆雙塔皴兩葉輕舠 我乘風時一到共嬉遨江山  
無復偃蹇彈壓有詩豪寶劔孤橫星動鐵笛一聲雲  
裂寒月水宮袍滄海一杯酒世界眇鴻毛

念奴嬌

壽王守母

瑤池高會見雲香鳳背風柔鶴膝天遣月卿來拜舞  
新拜璽書增秩有母能賢生兒如此總是前身佛孫



曾戲綵慈顏一笑閒逸 曾向渾尺軒中共評今古  
手寫王言綉箇裏迺翁棠蔭在映得梅仙山碧人愛  
黃堂祝萱堂壽拍拍歡聲溢明年宣勸蟠桃大棗庭  
實

念奴嬌

寶祐丁巳閏四月偕十友避暑白雲寺

麥秋時候薄陰罩炎日山行乘興筇屐追隨多勝侶  
青珮黃冠方領坐石談玄聽泉濯暑直上千山頂倚  
風長嘯籟鳴林谷相應 忽湧雲氣漫空海吹急雨

文溪集

卷十九

詩餘

三

覺水練微冷洗盡人間名利障便是蓬萊仙境半日  
偷閑一生清福豈在榮鐘鼎青燈深夜陶然獨妙清  
聖

瑞鶴仙

甲辰燈夕

玉城春不夜映月壁寒流燭葉光射鰲山海雲駕擁  
遨頭簫鼓錦旗紅亞東風近也趁樂歲良辰多暇想  
陽和早遍南州暖得柳嬌桃冶 堪畫紗籠夾道露

重花珠塵吹蘭麝歌朋舞社玉梅轉鬧蛾耍且鬪占

先探芋郎戲巧又卜紫姑燈下聽歡聲猶自未歸鉤  
車寶馬

沁園春

監司元宵招飲不赴

纔到中年節物渾閑賞心頓輕據隨分東風瓶簪柳  
雪應時燈夜棚綴蓮星自一家春也三杯酒巧壘堆  
香笑語聲又何須聽那西樓絃管南陌簫笙平生  
黃卷青燈肯珠翠奢華八尺檠欲趁隊閑嬉雕鞍寶  
馬回頭猛憶破案囊螢鄰曲漁歌庭除鶴舞塵外水  
輪徹骨清人閑處這炯方寸一點長明

文溪集

卷十九

詩餘

四

滿江紅

江西持憲節登高作

薄冷催霜碧空豁飛鴻斜度重九日御風絕頂下看  
塵宇滕閣芳筵牋筆妙龍山勝踐旌旗駐料山靈也  
要可人遊成佳趣吹帽墮羞千古題字非吾侶却  
坐間着得煮茶桑苧萬里寒雲迷北斗望遠峯夕照  
頻西顧且滿浮太白送黃花劔休無

滿江紅



和劉朔漢節亭韻

人似梅花峭玉立歲寒風節新圃闢種梅千樹幻成  
南雪池碎瀑聲荷捧雨徑涵秋影篁篩月喚石君錯  
落坐庭前紅塵絕 嫌刮耳秦箏戛慵着眼俳優狎  
但一觴一詠放懷開濶涌地池亭工掩映擎天柱石  
覘施設待枝頭金顆可調羹休輕折

菩薩蠻

別劉朔齋後寄詞時朔齋抵峽山拾遺詞至

雲山疊疊雙眸短夢魂夜趁行人遠千里共襟期吟

文溪集

卷十九

詩餘

五

風飲月時 碧溪穿翠峽雪意蓬蕭颯安得翅飛來

衝寒同訪梅

漁家傲

重着夾羅猶怯冷隔簾拜祝團圓鏡取片龍涎安古  
鼎香閣靜橫窓寫出梅花影 寒鵲鷓枝飛不定回  
紋刺就更籌永小玉欣眠呼不醒霜氣緊麗薰吹動

梅花引

西江月

小鷁載池心月長虹跨水中天主人情重客留連便

欲乘風寒殿 霜竹且傳秋信鏡藻不作春妍夜涼  
正好倒金船朔飲而今再見

浣溪沙

筍玉纖纖拍扇純戲拈荷葉起文鴛水亭初試小龍  
團 拜月深深頰祝願花枝低壓髻雲偏倩人解夢  
語喧喧

城頭月

和廣帥馬方山韻贈斗南樓道士青霞梁彌

僊

文溪集

卷十九

詩餘

六

工夫作用中宵晝點化無中有真氣長存童顏不改  
底用呵摩皺 一身二五之精媾積得嬰兒就試問  
霞翁三田熟未還解飛冲否

李忠簡公文溪集卷之十九終



家書

丙戌科過省第一捷書

三月十八日捷子到廣州二十日到石灘

某頓首百拜上覆大人朝議亞媽孺人某茲者荷先祖餘慶大人陰陽省試叨冒第三名自顧識淺才疎何足當此今因捷走報謹寫數字以實其信然鄉間前此無報三名前之例必有無厭之求亦宜權其輕重多不過爲政首可也恐州縣有禮議大人可謀之親知諳識者隨時區處卽此報知他莫精衛寢食以文溪集

卷二十一

家書

一

迓鴻祉某此來合受推官文林郎出身乃廟堂送闕亦候在外待榜者畢至方始唱名賜袍笏聖上御便殿以頒之仍舊例入局待注受畢日七月初必有歸期謹此拜覆伏乞尊覽某百拜上覆某煩一哥覆知大人門徑只宜依舊不必加粉飾遇某舊亦煩一哥呼名致謝

第二家書

某頓首百拜上覆大人朝議媽媽恭人卽辰季春恭惟尊候動止萬福某茲者叨冒正奏第三無非大人

平日積德之驗但開榜之後百費叢集租一屋在學  
前庶得王魁張魁亦在左側其所賃之屋一月二十  
券捷人與諸人來賀亦五十券受劄之始凡百物件  
皆是新置如買轎皂衫袍帶幘頭朝靴一身衣服轎  
番四名每月二十餘千書司斤子三名每月亦十五  
千已至借僕一日十餘人况其不諳此間新第事體  
只得挈張上舍德明事與之商確廢得適宜日間供  
膳皆是已出出二元信費二十千未用一百餘券自  
惟窘乏不能措只得轉假之鄉人候回日償之有便

可報陳宅必有錢助費但非親實人不容付之來也  
書鋪來呈丙辰科事例到五月中方唱名入局以至  
受闕并其他禮儀亦七月初方畢到冬方有拜待之  
期所喜二狀元相處甚得有事必日來相報出入皆  
同行大魁台州人三十四歲榜眼亦台州人六十餘  
矣凡見主司及朝士皆與之同及見鄒尚書彼再三  
丁寧未要相見諸朝士某自此不出諸同年及鄉曲  
相識官員日間相見常一二十人只得奔走報謁不

容已也某茲者本經出王太傅定房叅詳丁郎中黼



知舉鄒尚書應龍論在林太博良顯策未知在誰房  
三場未經改削未敢附去恐有人問但以試官所批  
示之某此回例推官已令人尋訪江西廣西諸處  
自揣疎於吏事亦須一年以上可也亦但言其槩已  
至兩處店主人書鋪亦須百以上千請兩人作四六  
亦須百千事體大槩始末非千券不可鄉間風俗薄  
惡多言某受人繫着不可信某新得一第尚要前程  
久遠

### 第三書

文溪集

卷二十

家書

三

某伏以春律向盈韶光未減恭惟大人朝奉亞媽孺  
人尊候動止萬福某自得捷當夜卽發家書與捷子  
又附一運司走文字人想皆到矣然潮州陳子諒必  
爭先但以家書爲實犒捷之資必候潮廣兩處人俱  
齊方始酌其輕重不可作兩項支與某嘗會張魁渠  
云鄉曲捷人必待八九月自歸方始結付乃其鄉例  
也恐未有錢推以待某歸尤佳小人無厭驟多與之  
彼必求索無已更在斟酌輕重合數報人共二百上  
下可也某自歸榜後終日奔走及歸安下處則諸公

來訪及同年諸友相見求入局者甚衆應酬無暇來見鄒先生丁寧勿出某恪守此戒然程中書陳中書皆遣人來請見不容不往以至某文字出渠房者皆往一見之然諸公以某遠方人忽在前列皆有願見之意凡所造見甚荷溫接相見必問堂上及問某具慶則歎美不已又問大人之年某乙未對尤加美焉其問要否則以已綴親對書鋪呈甲辰例唱名在五月十二緣其年混補別來試所未開今歲旣無混補必須待出局及注差了畢必七月終方有歸期前日

文溪集

卷二十

家書

四

局中合于人來叅書吏斤子虞候上名事官每位三四十某不敢留使且待入局京城桂玉之地日費不貲王魁綴其同舍寧國府杜丈之女岳翁爲之支遣張魁乃宰執侍從撰述文字人故諸公送饋良厚惟某乏素其接待禮數出入儀從只得勉強隨之鄉間義約錢一百券帶來四小鋌梁幹又借去一笏雖鬻之笏猶有窘乏之憂不免就施丈假借渠又要歸還七百足更與渠商確如何勢亦只得就渠借也家亦不必附錢與之但龍涎香可買數兩素馨湯茶餅之



類可買二三十瓶作人事戚家蘇合香丸感應丸亦買數兩來更白拂手數條云云

#### 第四書

某百拜上覆卽辰清和在候恭惟大人朝奉亞媽宜人尊候起居萬福某伏自塵蚕之後三附問安之書想已俱到後遇鄉間補試諸丈詢及家間動靜三月廿八日某人抵京復接家書深用慰浣某自箭橋移居學前非報謁官員不敢輕出凡事不敢輕舉張德明以私試回齋適惠州朱新恩篆至某遂校之同樓

文溪集

卷二十

家書

五

復留一房以待倫耀卿而四月初彼猶未至也日來諸廳賀吏已撥剔稍定惟是同年之求入局者多挾朝貴或托相知頗爲所撓只得隨輕重區處至於潮惠南雄諸同年旣是一路不容不存之也唱名亦未有日子想只在五月初間矣所費浩繁已就施丈借五百券家間亦不必寄錢來用若有所爭不多不必與較若大段相遠某做一道理此不足慮某前者已修劄達之陳宅不知彼曾來相賀否朱新恩篆文雅

且賢與之相處甚得彼遂有續絃之意大人便問發

與今往說之朱丈乙巳生可與爲親丘丈亦知其五行若消耗之便中垂示有一劄達之廣平公少敘謝意人旋甚亟漕臺倉舶書未發尚需別進未繇省侍伏乞倍加調護以介鼎來之祉某下情祈祝之至某百拜上覆大人朝奉亞媽宜人六叔朝奉

第五書

某頓首百拜上覆卽辰炎伏在候暑氣方殷恭惟大人朝請亞媽安人尊候起居萬福某偕璧英在此如常毋在留意念六月初二日陳全付至家書與陳宅

文溪集

卷二十

家書

六

書信借到官券五百貫已如數得訖十三日上御文德殿移御榻臨軒引見前三甲人三名前作一班相去纔咫尺日表龍姿儼然在前餘四甲五甲人只在殿門之外不及見也禮畢三名前就幕次各賜食七品羅滿几案精美可挹累科所無也中貴快行衛士來索謝恩詩卽時就換袍笏是時駕已入內但抱勅黃拜殿門而已三名先謝而出卽重戴乘馬所喝迎導如每科儀但未過太廟不審其儀也



聖德如春和萬姓

近水樓臺先得月

臣心向日秉丹衷

向陽花木易逢春

附菊坡回劄

某惟時初夏氣清而和伏惟新恩鞫議鄉兄稽古  
策勛有物作助台候動止萬福某屬厭德聲久其  
日矣自西戍南歸謂有一見之便而抱病簡出披  
睹猶未見快茲聆擢雋南宮歸乎充選宜爲盛事  
用壯老懷枌梓亦爲之改色顧如天才甚穎月評  
所推文章有經世之宏模撫義得尊王之大體再

文溪集

卷二十七

家書

七

鼓而氣益壯一呼而人皆驚因思士以得時而爲  
難名者造物之所惜山川清淑之氣蘊蓄幾百年  
鍾此間出之奇况年不可及自守甚堅卽其中之  
所存自此而充之遠到豈易量似聞春風得意之  
初聲容光不露盛名之下謙以將之夫所養益厚  
則所受必大區區贊美正爲是也某以疾丐閑幸  
得請屈伏牖下餘息厭厭忽聞捷音不知宿疴方  
圖致慶乃爲故人所先三復不勝慰滿錦還諒在

秋中初筮不必擇官擇地榮進素定茲爲發軔指

快德刊此見意庸帥不逮所施而情則真矣  
孚炤右謹具呈四月日

煥章閣直學在中奉大夫提舉崇福宮崔某劄

李忠簡公文溪集卷之二十終

文溪集

卷二十

家書

八



李忠簡公文溪集卷末

附錄

起居舍人方大琮外制藁中載

除秘書郎兼沂靖惠王府敎李昉英轉朝散郎

制云

勅具官某典禮在魯實惟光輔王室今之藩邸古侯  
服也朕明俊德親九族爾昉英以鼎甲之彥秘林之  
選往職茲敎其必曰此書姬公所作也中絕而復傳  
河間之力也敎者旣以徹章受賞聽者其亦知朕所  
以賞敎者之意乎爾歸而試紬繹之見其心思必於  
是被服造次必於是則賞非過而受非忝矣可

文溪集

卷末

附錄

一

重嘗閱世祖鐵菴忠惠舊集見文溪忠簡公之  
文斐然成章擅一家之制者矣至於論交則又  
見其同道相謀同名相信同事相先同處相下  
之意溢於言表故鄉進士大父澹菴公繕寫珍  
藏以遺我后者蓋不專在於文將以論其世也  
然文溪之文甚廣而梓之傳者所遺亦多交於

鐵菴甚篤而見之文者傳亦未盡壁山來貳吾

郡修葺烏石先生舊墓暇而相從追論二祖遺  
事大收文集遺文而盡梓之重卽取鐵卷遺事  
中所載外制二奠章二輓詩三哀而獻之以附  
壁山之梓固以廣文溪之傳亦以章同寮世講  
之義則爲二公之後者豈不幸歟繼今以往者  
豈無傳歟昔無恤能存簡子命戒於一世尚大  
三晉之地今壁山能修文溪之集於十世之餘  
當幾無恤哉後學忠惠十代孫宗重頓首謹跋

採錄文文山先生文集中載

文溪集

卷末

附錄

二

跋曾子美萬言書藁

名士傳

菊坡天人文溪菊坡樣人菊坡不可作已願見文溪  
五仙如在天上寶辰夏五集英殿賜天祥等進士第  
入蜀一日同年曾兄子美來訪議論慷慨知非凡人  
扣其所宗則傳菊坡法衣密文溪講席者也當布衣  
時春宮一疏已能發菊坡之所欲言他日爲天子御  
史直氣凜凜必能赤文溪幟悠悠風塵安得若人寶  
牘丙辰書于期集所

嘗讀文山先生文觀其稱引菊坡文溪二先正



愧讀書不多於文溪之行實述作無所於考近  
得本集於壁山連日繙閱不能釋手去古日遠  
前輩之風益可愛重是集之刻之也何可少哉  
文山之文敬錄以備集後之簡

嘉靖辛卯秋九月下澣前監察御史莆損岳朱  
澗拜手書于文峯琢玉臺

修復李忠簡公海珠祠像記

賜進士出身翰林院編修文林郎兼經筵官同修國  
史增城湛若水撰文

文溪集

卷末

附錄

三

賜同進士出身廣東按察司僉事吳興顧應祥書丹  
賜進士及第翰林院國史編修南海倫以訓篆額

正德十有二年三月之壘庠生甘生劉生陳生拜進

其言于憲副汪公曰學相朝紀時維小子罔聞知嘗

交于李忠簡公文溪之孫庠生達元獲講其世蓋公

世系在譚牒勛業在國史文藝在本集罔敢有攸述

仰惟公之懿德大節發身鼎科立朝以正追斥安石

乞正儲貳去嵩之奸引裾抗疏劾盧董二宦落職而

不悔曰忠喪其親築室終制于墓若終其身累詔不

起曰孝乞歸制服心清獻之喪立師傅之道曰義慕于汀奮身諭賊以其守免贊閩清獻縋城入諭賊壘出白刃下却摧鋒之變而遠之廣郊曰勇提舉于閩損捧賑饑活人之命守贛置常平罷官酷嚴保伍以爲民安曰惠屢進屢辭蚤能以其身退曰廉夫斯六行者君子之所以立身也忠簡備焉足爲生人之表固宜里置血食焉以彰鄉先生之道况海珠公之築也而下帷之地也其寺田公之所置守也其祠置洪漕使從邦人之請公也乃反忘本而浮屠焉徒據甚

文溪集

卷末

附錄

四

非所以繼往而示來也仰惟明公風化是務復菊坡祠于南岸增飾文山祠于五坡學相朝紀等誠不揣冒昧以言惟明公其圖之公曰鉉職也何辭乃撤其居而新之肖其像而妥靈焉數百載之廢墜一朝而復於是陳侍御言扁顏之毛侍御鳳請典祀之黃僉憲昭申董之劉憲副伯秀資助之王僉憲大用設門役以守之魏太守廷楫先後贊襄之番禺王知縣澄經營之祠以地主寺以祠存復舊也汪公曰事已不可無記記必於湛子或謂觀吏部霍進士鞞亦曰必



於湛子若水曰義也吾不可辭郭太保總戎勛曰子  
其無辭焉吾謹有供麗牲之碑督市舶牛太監榮至  
則曰復舊以明義也因爲加飾之嗚呼茲非忠簡公  
六美之實先得乎人心之同然而能起人心於百世  
之下不期同而同然者乎祠成公儼然臨之在上於  
是奸邪之臣觀之將愧其忠薄子觀之將愧其孝師  
友操戈者觀之將愧其義懦怯于難者觀之將愧其  
勇殘剝之吏觀之將愧其惠貪進而無耻者觀之將  
愧其廉而後之忍心於廢興者觀之將愧修復之諸  
君子也愧之何如修之而已然則是祠也其立教之  
本歟因爲迎送神辭三章俾歲祀而被之樂歌鼓之  
舞之以盡神

悵靈蹇兮多修服六美兮孰儔燦雲漢兮以爲章招  
箕尾兮與同遊旣容嫺兮多媵永貞則兮服休靈不  
來兮予愁悵獨立兮中洲

右一

靈之來兮駕玄武乘北風兮下土先朱鳥兮前驅左  
蒼龍兮騫白虎薦溪毛兮玄尊明德馨兮簋簠呼天

具兮總干紛江靈兮起舞

右二

日宵宵兮西沉雲冥冥兮霾陰四無畔兮莫杭靈胡  
去兮駸駸悵獨立兮容與羗神往兮形存猗神往兮  
玄武服兩騃兮入寒門瞻雲錦兮悅象將天飛兮莫  
予遺言慨莫聞兮予顧馮夷鼓兮闔闔右三  
右迎送神辭三章二章八句一章章十有二句  
皇明正德十三年戊寅八月九日立

海珠祠像成闔郡大夫祭文 王漸遠撰

嘗謂古今豪傑之士其名於世也雖其山川瑰奇跌  
宕之氣之所鍾而亦其進修精練蘊藉之所至譬之

文溪集

卷末

附錄

六

層巒列巘峭昂削拔於數百里之區而其中之盤鬱  
儲衍者未嘗不易也譬之長江大河湍激洄洑於一  
瀉百折之下而其中之淵澄停蓄者未嘗不止也仰  
惟先生稟岐嶷之資毓間世之氣早師事於菊坡知  
琢磨之有自其養之虛也雖鼎魁天下而不以爲高  
食邑實封而不以爲意其立之勇也雖四疏劾奸而  
不以爲疑縋城諭賊而不以爲異其守之介也雖逍  
遙於霜鶴秋竹之間而不以爲孤徘徊於松根巖曲  
之際而不以爲忌此先生名德卓行之見於世而不



可議如此而其詩文之發磊落奇崛屈詰聲牙而率流於胸次謂非山川跌宕之所鍾而學問進修之所深詣者耶

郡城祠有司春秋祭文

惟公豐功茂德照耀史冊流風餘韻啓我後人名教所關實切企仰今茲仲春秋謹以牲醴用申常祭公其

鑒之

家廟成通省士夫祭文

維大明嘉靖七年歲次戊子孟冬己亥朔越十三日

文溪集

卷末

附錄

七

辛酉同郡後學晚生黃鑿區燦黃佐鍾善經梁廷振倫以諒方茂夫江宇具允裕馮徽陳中誠招宗廣趙鶴隨費秉等敢昭告于宋龍圖閣待制尚書吏部侍郎兼翰林院學士監修國史番禺開國男食邑三百戶謚忠簡李公曰於維先生海邦鍾秀星耀垂祥生也非偶第及鼎魁文章之首立朝不隨律已無疚忠孝義勇聲光宇宙前修典型後學山斗嗟我秉彝瞻依良厚遺像豐碑子孫世守勒之贊詞手澤猶舊祠

宇未奉孰執其咎三台高岡奇峯延袤僉曰祠之庶

幾妥侑主之者誰斯文領袖匪爲其私實裨風教卜  
吉于茲聿新堂構樂奏希音禮稱玄酒如見精神降  
陟左右尚饗

海珠祠祭文

際明

維祖讀書海上珠宮三城砥柱萬派攸同功垂  
更冊道振儒風懿德彝好表賢是崇霜竹鳴籟秋鶴  
颯空瞻茲勝地愴我宗公蘋蘩致潔俎豆惟豐肅修  
廢事在昔傳恭

海珠山祠寺記

卷末

附錄

八

海珠山在南海臺前僊城之南海中兀浮水面府治  
印星也其石色紫而澤紋細而堅從五僊觀坡山伏  
地至海心突湧出水秀若芙蓉蓋結省不盡之龍渡  
江轉結爲會城官曜收東鶩潭大通之水迢挽江流  
趙陀劉鋹迭乘伯氣弗及表其勝槩至宋朝我忠簡  
先公賞其孤峯特立砥柱狂瀾四虛無倚築室讀書  
其上寶慶丙戌先公登宋鼎魁始出是山宦遊三十  
餘載值權閹弄柄三疏留中乃與御史出國門還山

尋訂宿約理宗寶祐五年捐貲置田付僧鑿義建寺



仍取郡東慈度寺額扁題山門爲廣郡二十八寺之一上應天星宋景定三年漕使洪天錫因邦人之請祠公於海珠山寺門西向江水澎湃而下浮珠瀉玉萬頃一碧寺當下流翕然受之四圍繚以砌石從水至石面高可八尺南北開兩水門層級直下可盥可漱石上周以女墻當面臨水一坊爲水天一色相傳爲蘇長公筆由坊而進爲憑虛亭由亭而進爲四大天王門題古慈度寺由門而進爲三寶殿殿後妥觀音寶像額題得大自在先公祠堂東向其最前爲安

瀾亭由亭而進爲中流砥柱堂由堂而進爲蓬島由蓬島而進爲表賢祠文溪書院先公安神於此佛殿傍南隙地列構僧房南牖向水從殿左丹墀迴廊入盡西一間爲僧廚轉向東行爲僧小廳復進東入曰歸根處僧歷傳之香火在焉又轉而東爲方丈爲蓮社俱僧舍也祠傍南隙地構南軒三間從祠右丹墀下入面臨江水牖向南岸騷人遊客時集登眺佛殿傍北隙地構神祠三間奉歷來護法檀越從殿右丹墀入南向進轉而東列楹數間爲各房子姓書舍復

進東行爲官房爲客厨東爲園修林古木蔭焉其  
祠傍北隙地也每城鐸初收江濤乍湧遙睇黃灣赤  
光浮影紫翠騰空火輪焰起滄溟螺黛青翔碧漢月  
溪蒲澗秀聳白雲小逕波羅峭標巖木三城數萬燈  
火隔江雞犬聲聞四路輻輳檣帆破浪舳艫鱗集雙  
塔夾峙下流二虎關鍵喉咽西控浮丘東引海閣誠  
全粵巨觀海天勝地也顧地之廢興雖關人力亦屬  
天行自先公與僧鑒義經始開先立僧爲甲乙任持  
分管寺業闡帥以先公之創僉撥蛋丁供備灑掃景

文溪集

卷末

附錄

十

德仰賢可不謂盛乎而一段於元大德間旋修復於  
元帥羅璧迨至明興寺運亨泰洪武辛未清理佛教  
歸併順德縣北水堡隆興寺白藤堡鎮康村國壽寺  
巴由都紫坭堡瑞雲山隆興寺共田壹拾柒頃陸拾  
玖畝玖分俱入本寺贍僧供佛宣德間寺復再毀雖  
賴都閫程公瑒整飭而雲遊之僧去任不定日益敝  
壞歸併三寺之田亦旋亾失至正統間憲使郭公智  
乃命光孝寺都綱擇行僧明通住持極意補葺勤修  
慎守凡幡幢法器香果燭燈罔不悉備天順五年明



通復與通判黃諫勅處遠樓於寺後風浪四衝旋葺  
旋損於是謀於其徒明昇大興修建罄常住之資廣  
衆募之鏹市堅良之木石於成化四年始工八年竣  
事凡佛殿門廊方丈厨庫無不煥然改觀石基墻壁  
俱甃砌完固亦此寺功臣也第歲久代更忘厥本始  
遂有知奉佛而不知開山之檀越者豈廉頑立儒名  
教之師反不如神道設教者之食報乎所賴治教休  
明君子道長江門新塘諸君子講學東南一時人士  
罔不景仰前修奉爲懿矩正德十二年丁丑三月十

文溪集

卷末

附錄

士

五日郡庠生甘學陳朝紀劉相具呈憲副汪公鉉請  
復先公海珠祠像蒙批忠簡公德業文章出處大節  
載在史冊炳炳烺烺百世欽仰海珠寺乃公讀書之  
所舊有祠像所當興復仰番禺縣印官親詣該寺相  
計停當如式修造完日具繇回繳四月初十日十世  
孫庠生達元具呈僉憲黃公昭請復先公海珠祠像  
蒙批海珠山旣爲李文溪居業之所先有祠像義當  
追復仰廣州府簡委能官相度中室禮設崇奉量舉

時儀則有司尚賢後學景行與其子孫孝思一舉而

三得矣具繇繳來是月十世孫庠生達元具呈郡守  
魏公廷楫請復先公海珠祠像蒙帖行署番禺縣陳  
焯卽將李文溪海珠山祠宇修復塑像完備舉以禮  
祀事完具修理過緣繇申報以憑轉報七月憲副劉  
公伯秀助工銀捌兩巡按陳公言親書表賢一篇文  
溪亭一篇元戎太保郭公勛賚石表刻祠記九月十  
五日三學生劉相甘學林喬費炳等四十五人具呈  
僉憲王公大用請義舉先公之海珠祠役蒙批名賢  
祠像旣先該准行修復所據供應開閉灑掃以嚴崇

文溪集

卷末

附錄

三

奉之意不可缺仰縣卽查編門子一名時常看守十  
一月十五日三學生劉相朱晃黃炳等五十七人具  
呈巡按毛公鳳請復先公之祀典蒙批布政司勘實  
議報繳湛子甘泉若水颺以詩歌三章被之迎送聲  
樂名海珠山爲李公墩十三年五月中貴牛公榮加  
飭先公祠像嘉靖十八年巡按王公德溢查革河南  
渡夫羅綺等四十八名給與坊長供應各衙門以資  
疲困獨存留李遇陽僧慧政二名以供海珠寺文溪

書院香燈其閏月銀拾兩亦扣送府庫以爲修理本



祠之費萬曆十八年李遇陽分額奪於李洪二十二  
年僧慧政分額入於市民喬孫十三世孫庠生宜禎  
具呈番禺令蔣之秀准十一月分給李永方伯游公  
應乾准十二月上半月給僧賢澤而舊額復完矣寺  
門前左有喬榕一株合抱垂蔭遊者多宴集其下蓋  
百年古木也萬曆四十四年丙辰六月初八日天朗  
氣晴時方入夜忽狂風一道吹樹揭根仆地壓倒憑  
虛亭寺前後之樹風皆不及亦怪矣哉識者已占古  
木搖傾寺將不寧故自僧賢澤沒後所任持者率多

文溪集

卷末

附錄

三

無行數十年素積散失無遺天啓崇禎事變益甚淫  
僧繼至方逐慈金又進常振勾引賄徒蕩散寺業不  
肖時列諸生力爲防禦寺業賴以復存崇禎九年丙  
子三月十八日怪風拔木毀掣祠寺僅餘中室一葉  
遮蓋神像餘俱吹墮傾折無有存者不肖首倡族人  
捐貲修理各祠協僉肆百餘兩都院熊公文燦助銀  
壹百兩付僧超銳鳩工繕作堂廡門寢鼎新觀美斷  
塞祠內兩脇舊路改路祠外北行寺規振肅崇禎甲  
申京師失守海寇颺發寺居海中時有劫掠之恐丙

戊冬十二月十五日兵入羊城而海珠遂隔弱水矣  
今寺外四圍築以高垣門扃鐵版牆悉竅穴置鏡爲  
海上敵臺戈戟屯列營伍薦居僧房書舍全不可問  
砥柱中流一座已築爲崇臺惟賢祠佛殿並存無恙  
夫物剝必復今剝極矣復其或不遠乎寺有原設常  
任田土番禺之鹿步都捌拾肆畝增城之綏福綏寧  
青湖金牛四都參頃伍拾柒畝高要之寶查都壹頃  
伍拾畝今丈連低洼壹拾貳頃猶存故物也歲在庚  
寅夏五月長至前六日十四世孫際明頓首記

文溪集

卷末

附錄

十四

郡城祠堂記

宋咸淳九年士人請于郡祀先公與菊坡崔先生合  
祠宋社已屋元人因之明興敦勵名教崇尚德賢祀  
事益謹嘉靖十五年丙申闔郡舉人倫諫梁津李鸞  
曾貫周懋德黎民表等以合祠湫隘不足儼崇奉肅  
表章乃言于僉憲李公默曰忠簡公古今師表請特  
祠會城以示風憲詳于都院錢公如京甚躋其舉卜  
基於城西官巷付郡守鄒公守愚翔之郡丞程公鐸  
成之榘桷几筵備極觀美按院王公德溢親書李忠



簡祠于門學憲吳公鵬親書久遠堂南方間氣扁于  
堂有司春秋致祭俱以丁後三日與周濂溪陳白沙  
二先生同日舉行禮至隆也從嘉靖迄隆萬俎豆几  
筵登斯堂者週甲子如一日萬曆二十八年庚子中  
貴李鳳入廣權稅剝立稅府先祠逼近欲併築爲稅  
廨神心恫怨士論不平布政督學袁公茂英最爲惋  
憤二十九年三月牌行廣州府爲修復祠宇事炤得  
李忠簡祠所以崇祀先賢表厥閭里乃以稅監建造  
衙門致茲拆毀府縣原議於社學舊基今旣數月矣

文溪集

卷末

附錄

五

未聞作何區處殊非所以妥先靈示風勵也本司有  
恫于中竊謂事關俎豆非爲觀美始也該監旣不待  
兩院之詳允而急於折今也有司又憚土木之繁興  
而緩於復祇恐築室之誼將貽名教之譏本司願與  
同志者早力維之備牌行府卽喚李氏諸生推擇老  
成謹厚者親董其役仍委官公同相度社學基址刻  
日遷豎除舊料外合用木植幾何除該監伍拾兩外  
尚費工價幾何兩日內備細開報俸與贖緩本司隨  
力捐補務期不煩公帑恢復廟貌切須視此事爲家

事留心節約劑量速報府奉牌行兩縣同董役生員  
李宜禎等相度估計於萬曆二十九年辛丑四月初  
三日拆卸從原定北隅社學舊址初十日興工修建  
續又牌行廣府李忠簡祠見今遷建完先賢之廟貌  
樹閭里之風聲有光祀典合行資助共成美事爲此  
票仰本府官吏卽將發去本司贖銀伍拾兩貯庫以  
爲修理工料之費仍速擇日興工完日冊報毋得有  
違二十九年始工三十年竣事門堂寢閣煥然鼎新  
首臺門次儀門兩廊由廊而進曰南方閭氣其堂中

文溪集

卷末

附錄

六

八楹左右共十楹背傍三面屏以板壁從板壁後入  
築砌甬道兩傍植栢二株當後正臨一座爲久遠堂  
先公之像妥焉兩邊廂房爲子姓書舍從廂房內進  
過一丹堦爲勅書樓上閣下楹藏先公碑刻神像樓  
外餘室爲奉祠者所居右傍隙地列構小房爲子姓  
應試公館其前面鋪屋則祠之香火所從給也祠坐  
坎向離背枕朝臺面臨珠海左控粵王故宮右引榕  
寺巍塔仙湖九曜隱映簷前穗石坡山輝騰檻外禺  
峰東峙翠楊壁水清漪苜苑西開香布慈雲瑞彩真



足表章風教而奉妥先靈顧自萬曆辛丑至今庚寅  
僅五十年所而祠局又一變矣大兵雲集無屋不摧  
書棟雕梁拆爲爨具今祠地已入 王府而春秋俎  
豆猶舉於有司斯亦愛禮存宰之意乎歲在庚寅夏  
五月至日十四世孫際明頓首記

龍津文溪碑院記

忠簡先公寄情山水履跡所至輒立碑像今所存之  
碑乃清遠縣飛來寺舊碣也歲久碑什沒於土中族  
高祖叔壁山翁遊飛來見頽垣內隱露碑端喚僧挖

文溪集

卷末

附錄

七

沈遂得碑中之像讀其自讚始知爲 七世祖忠簡  
公像石恭迎下舟奉安于郡城南之海珠寺蓋寺舊  
爲公下帷地宋景定間闔郡士人請于當事祀公鄉  
賢遂以寺爲祝釐之所迨明正德間江門新塘諸君  
子益表章而弘麗之隆其祀典歌詩三章被之管絃  
甚盛舉也萬曆辛丑改建特祠於城北社學又移碑  
像於城祠寢樓內其正笏垂紳高坐珠江表賢祠者  
立朝之像而已丁亥庚寅師入廣州珠寺築爲兵壘

城祠亦爲王圍碑仍倒在草萊余時避兵村落謀以

族總戎相兵艦載歸未得乘便適族第廷元入省目擊碑倒痛心疾首聞於守吏僱役擡出買舟載回豎於祠堂得矣然龕櫛與碑同妥堂上不便祭享欲求一地以爲碑像特院未有也偶族人有池園在錦水傍求買取價余見園池中石嶼嶙峋漣漪四繞面臨錦水隱然有海珠勝狀遂謀之族人足其價而買之蓋不惜過酬其值矣第時際艱虞百耗並出未克庀材以大棗楹用是暫構水榭當池中央奉安碑像其上彷彿珠江蕩漾之槩或可稍紓孝思光昭前

文溪集

卷末

附錄

文

乎異日積有餘租合壯墨兩房謀之以興土木以立不遷之祏厥功當未有已也謹記其略以誌此院所自始戊戌秋九月十四世孫際明頓首記

康熙七年歲次戊申仲秋壯甲墨浦兩房仝梓





